





吳隱集序

曩歲承乏滇藩謁黔寧昭靖王廟懃敬思堂有  
碑穹然諦觀之則樵李程先生本立爲之記記  
千餘言其詞古其氣昌其議論剛正森蔚讀之  
起敬慕焉恒以未詳其人爲歎比侍養家居適  
南溪吳先生德翼僉憲于閩出示吳隱集一冊  
曰此吾鄉先達程先生所著也吾子知其人否  
乎曰見其文矣曰先生喬出伊川以明經受知  
聖祖召見賜廐馬楮幣授宗藩禮官供職惟謹



踰十載從王朝京師坐累謫雲南他郎甸幕時  
六詔初附叛順靡常先生佐元戎經畫撫輯諸  
夷底寧厥功懋焉又十載以廷臣交薦徵入翰  
林預脩高廟實錄晉左僉都御史尋調江西  
憲副未行值王師靖難抗節而死去今百餘年  
後昆落落遺文不傳予因掇拾于散逸之餘得  
文凡若干卷圖鈹諸梓吾子素重其文母靳一  
言序諸首簡庭榻莊誦累日大慰夙懷且得其  
出處之詳如此因舍剛而歎曰嗚呼士君子立

身天地間垂芳千古其大要有三曰忠義曰事  
功曰文學而兼之者鮮矣吳隱先生文詞醇贍  
上追董賈而靖夷功業希蹤伏波無愧若其忠  
于所事從容就死謂非今之夷齊乎哉同時死  
節者幾五十人行誼亦多泯泯近稍見于張豸  
史備遺錄而遺槁梓行于世則方有遜志集練  
有金川玉屑周是脩有綱常遺範外此不多見  
也向非南溪公汲汲于表章忠義景行鄉賢則  
先生大節固將湮沒無聞况詩文之餘耶論者



謂牧野之師與首陽之節相表裏故衍蒼姬之  
籙于八百年有道之長信斯言也則斯集不可  
以不傳而其傳也所繫豈淺淺哉慰忠魂扶世  
教南溪之心固有不得已焉爾讀者諒之

嘉靖元年壬午夏四月望日

賜進士出身亞中大夫雲南布政使司左叅政  
古閩後學林庭棹謹序

巽隱集序 終

石倉十二代詩選

明詩卷之又四十一

巽隱集

大明

崇德程本立著  
後學曹學佺閱

惜日短

歲十二月二日同諸友訪環中

老人于西溪隱居遂命題各賦一篇

我志在千古此生無百年百年亦苦短白日如  
奔川光陰旦復旦把鏡心茫然歷看古賢傑勲  
業照簡編安能不努力坐待雪盈顛羲和駕大  
龍為我遲遲鞭



春宴分韻得塘字

夜雨不濕泥曉雲低度墻嚶嚶鳥求友我情曷  
能忘蔡氏雅敬客羣賢集中堂及茲春節宴所  
欣在餘芳長吟何紆徐短歌或慨慷從來文字  
交豈徒弄杯觴華風蕩碧草綠水汎迴塘嗟哉  
詠歸樂孰與會點狂

雪佛碑

天花陰墜空平地忽三尺異哉西方神現此水  
精域胎非託摩耶意匠勞刻畫乃瞻白玉相安

用黃金飾一洗熱惱心悉依清淨力紅日起扶  
桑終焉化無跡其無本非空其有亦非色君看  
東逝波滄海不可測我來鳳凰溪古寺久荆棘  
摩挲雪佛碑碑斷字莫識金石亦已壞况非金  
石質萬事等因影感之三歎息

贈商潛戴珪

釣澤可物色力田亦名科疇云山林上不爲漢  
網羅有客善沈晦古鏡垢弗磨行貨區寰中遠  
遊笑且歌驅車太行坂捩柁楊子渦雪濤接漠



津空翠巨嵯峨險途亦良苦勝覽不旣多治生  
各有術藏器心靡他人疑望市利爾自樂天和  
得酤百錢酒輒使兩頰酡乾坤一睥睨萬物如  
爾何我昔岩壑居幽期結雲蘿今悲白黑染豈  
幸青紫拖夷門官舍冷愧爾頻來過將詩勿浪  
傳爲我自吟哦

東遊發鄭州

駕轅指嵩洛發軔涉京須兩厓忽剗削一徑中  
縈紆羶帷命低寒雨雪恐霑濡端居豈不樂願

乃興嘆吁僕夫盡徒跣軌轍多泥塗仁者念同  
胞飢寒切吾軀行行敢中止戒之以徐驅

過黑石渡

邛山障黃河洛水崩黑石方舟載車馬煙雨行  
人立我昔將王命北渡祠河伯茲來復輶傳觀  
者笑曾識聖君禹功齊神龜當復出

出洛陽城

輓輶上天津伊闕當我前連峰左右起奔走相  
後先古來五嶽內嵩高極中天儀刑正四表襟



帶流三川河山固王室豈直金城堅漢業此中  
興周都竟東遷壯遊快一覽遺跡悲千年頽垣  
舊誰築野蔓栖朝煙

齋宿皇陵夜起俟王駕

濟濟肅冠佩隱隱聆和鸞彤庭烟斜月松栢颯  
以寒神山衛皇陵左右龍虎蟠孝思穆宸衷王  
心豈遑安秋嘗日維吉夙駕夜未闌駿奔執邊  
豆臣亦備祠宮所職在誠恪匪曰盛容觀斯言  
告在列同心臭如蘭

中都早行

雞鳴登前途白日未出海埃傍坐之久搏桑爨  
光彩安知雲霧起倏忽陰晴改我行正愁雨亟  
去復奚待此意難重陳無由訴真宰

過池河驛

蕭蕭牧鳴馬麟麟輓征車人生各有役我何念  
安居東岡上初日霧暗未光舒依依見亭埃暖  
暖經村墟我足日以躄我僕日以痛自非得神  
仙豈免勞形軀



惠雲塔

老禪西來兜率宮金曇舍利開芙蓉平地起作  
寶光相七級上凌天九重摩尼頂珠現穹碧丹  
霞掩映鷄足峰八窗玲瓏懸皎月層欄翠滑扶  
神龍我欲乘虛求帝釋雲梯高峻紅塵隔簷鈴  
停語寂籟冷白鶴飛下蒼煙夕

題竹石小畫

玉堂仙人松雪公寫竹正似石室翁雲林道人  
雖出後徃徃落筆生秋風吳人好書仍好畫百

年遺墨千金價比來何處得此圖松雪雲林此  
其亞娟娟嫩玉纔數莖煙梢雨葉縱復橫洞庭  
寒骨沈水底鐵索下取蛟龍爭却憶江南舊池  
館筆牀棋局何蕭散一行作吏事便廢十年不  
歸夢欲斷松雪子孫今幾人雲林弟子誰逼真  
得歸故鄉倘相覓竹枝掛我頭上巾

楊花曲次友人韻

君不見陳宮美人張麗華春情輕薄似楊花兵  
塵吹入景陽井荒城老樹啼寒鴉又不見隋堤



歷代詩選 明神宗 五  
一千三百里煬帝龍船歷春水錦帆飛不到天  
涯腥風戰血楊花裏噫噓唏陳與隋山川雖是  
國已非年年三月楊花飛江南江北啼子規

合州

合州樓前江水合合州樓外青山匝倚樓西望  
雨漠漠順水舟來飛雨兩楫闔州山水天下稀不  
如合州可忘歸街頭彷彿吳門市人家瓦屋白  
板扉買魚沽酒醉今夕相逢誰是吳門客雞鳴  
風雨夢初醒隣機軋軋村春急

銅梁縣

銅梁縣庭公事少銅梁縣市官橋小上山下山  
石作街街南街北人家好人家好農不好商婚  
男嫁女不出鄉香芹煮羹飯有稻木綿紡絲衣  
有裳陳郎邀我青樽滿情多已覺迴鞭懶酒酣  
欲寫銅梁歌百錢買筆紫羅管

浴鳳沼

鳳鳥從何來來止桐溪傍錦毛濯春雨綵翮晞  
朝陽蘋藻動浮彩蘭芷吹幽香鳳去今不返空



歷代詩選  
餘鷗鷺行

桐溪

梧桐蔭清溪溪水波粼粼  
上有五色鳥下有黃  
金鱗秋雨洗白石春風生綠蘋  
願學羊裘子時  
來垂釣緝

橫湖

橫湖如匹練風景此中稀  
日暖赤鱗躍天晴白  
鳥飛寒松蟠石听春水没苔磯  
幾度斜陽晚漁  
舟渡口歸

東山

陟彼東土山惘然思謝安  
草露濕我衣海日升  
岩巒愧無如花妓醉舞追前歡  
飄飄谷風來吹  
墮頭上冠

題李典儀雲東卷

母老今猶健兒行久不歸  
一官淹白首萬里夢  
斑衣越郡東溟濶秦關西日微  
只將雙淚眼日  
日看雲飛

許州東屯雜詩



東屯歸欲晚西澗立多時病眼青山怪幽情白  
鳥知十年無舊業九日有新詩採得籬根菊馨  
香好遺誰

其二

丘園莽蕭瑟客子暮徘徊山是鈞州起河從鄭  
邑來衣冠餘古墓歌舞只荒臺野哭誰家婦秋  
聲助爾哀

其三

徑捷車行少溪深馬渡遲地臨長社邑民指太

丘祠所歷多懷古余生豈好詩據鞍欲吟嘯風  
雨忽淒其

季子奉祠浚井得奇石三輟一以贈長史

張均倡和有作次韻

偶從深井得元是太湖來艮嶽無仙仗昆明有  
劫灰忠臣厲齒泣貞婦望夫回不勝懷古意點  
筆賦崔嵬

過呈貢縣

馬頭呀海口鼇背屹雲根雁塔城南寺漁家水



歷代詩選 明穆廟選  
北村天朝無外國地氣近中原願易伽宗部居  
官長子孫

晚至晉寧州

落日孤城小輕煙一水斜青山蒙氏臉綠樹夔  
人家絕塞無來雁荒城有噪鴉多情此州尹勸  
酒說京華

觀梅分韻得枝字

只道花如雪如何髮亦絲客中今日臘眼底去  
年枝地暖春歸早江寒月出遲詩情似何遜惆

悵立多時

送景德輝教授歸越中

斗酒都門別孤帆水驛飛青雲諸老盡白髮幾  
人歸風雨魚羹飯煙霞鶴筆衣溪山無限意予  
亦夢柴扉

又得永字

秋風絡緯啼金井月色樓臺漏聲靜美人遠在  
天一方何以慰我心耿耿玉關不夜嫦娥老銀  
漢欲冰河鼓冷強把相思托鳳簫小階吹轉梧



桐影

京索道中

路從京索上坡陀于此勞人感慨多徒割鴻溝  
分楚漢終歸龍準一山河大風沛邑臺中筑半  
夜虞姬帳底歌千載興亡俱寂寞羣山起伏自  
嗟峨

爲黃伯昂題君山別業畫卷

畫圖林壑起雲煙使者高懷寄靜便荷郭真成  
浣花屋看山如坐洞庭船柴門黃葉鄰僧掃石

徑蒼苔野鹿眠如此故巢勞遠憶只應頭白是  
歸年

栢峰爲希仙道士作

何處仙家紫翠房一峰煙雨栢蒼蒼羊眠白石  
雲根爛麝過青苔雨氣香羽節凌風天入籟綵  
囊乘露玉爲漿頭顱我已將華髮便欲傳君却  
老方

乳石詩

并序

象賢奉常得異石于演樂堂典寶周翁識之



云道州乳石也奉常欣然以詩見遺余嘗怪  
李翰林集有云荊州玉泉山多乳窟中有白  
蝙蝠飲乳水而長生其大如鴉典寶荊湘人  
欲一問之未暇也今以道州乳石言之則荆  
州乳窟可知矣然又聞王烈入山得石髓青  
泥流出隨手堅凝氣味如粃飯按仙經云服  
之壽齊天地竊謂髓之與乳皆石之脂也髓  
其凝者乳其液者乎服髓者壽則蝙蝠飲乳  
而不死亦無足怪矣獨未知遯世長往之徒

亦有服乳而長生者乎因賦詩答奉常并呈  
長史公且欲質諸典寶翁也

聞道山中乳窟多乳泉流出石爲窠洞門到夜  
飛蝙蝠驛路何年載橐駝野色忽看新崕嶺水  
痕猶認舊漩渦豈無青髓香如飯老我黃塵奈  
爾何

寄題嚴氏蒼雲樓

嚴氏子陵後也今居上虞山中樓名蓋  
取范文正公雲山蒼蒼之句云



嚴陵灘下水潺潺千載高名宇宙間風節最稱  
東漢士子孫猶隱上虞山滄江煙雨羣鷗沒落  
日雲霄一鳥還好倚樓居同極日久淹官署獨  
何顏

送涪川呂主簿被薦赴京師

儒生有策致時康送子城南別意長四十脫身  
辭簿尉九重虛已間賢良輿杠往往農功後桑  
柘陰陰官路傍涪上曾過見佳政于今父老不  
能忘

次韻貝原輦留別

原輦鄉先生貝廷珍仲子也兄弟五人三人  
出仕兄原憲都府經歷弟季翔楚府紀善而  
原輦今宰武安邑以考滿赴京師相見于大  
梁因賦詩留別

客裏逢君說故鄉留連樽酒過斜陽漢時循吏  
稱三異馬氏佳兒識五常老去只驚搔鬢短醉  
來那覺放歌長明朝相送城南路記取槐陰四  
月涼



其二

五年官舍汴州城一見鄉人倍愴情  
賴有寒瓊留客坐可無春釀與君傾  
北來山水登臨倦南去音書感慨并  
何日吳松江上住兩簑煙雨約  
舟橫

過五河縣

龍窩驛近鼓聲催轉柁傾帆沙岸隈  
共指深淵最空洞豈無神物待雲雷  
風晴楊柳如看畫水綠蒲萄始浹  
醅浩蕩好懷春色裏詩成南雁忽

飛回

鳳陽東關

東關發船煙霞開城郭山川何壯哉  
長淮千里出桐柏慶雲五色近蓬萊  
漢廷書生有賈董梁園詞客皆鄒枚  
自嘆無才日樗散金門退食尚遲迴

高郵夜泊

城樓月色見觚稜城下官河夜欲冰  
返照疎林皆野燒殘星別浦是船燈  
腐儒食祿曾無補倦



歷代詩選 明程原道  
客思家已不勝春雨五湖煙水濶荷葉歸去下  
魚鱗

和張德麟紀善初度韻

東風驛騎始南還晚興留人食尚寒  
秦華黃河觀未了陽春白雪和皆難  
山香舞處花如雨海月飛來玉作盤  
但願此身俱老健年年此日共清歡

送王幼度待制致仕歸大梁應教

簪筆三年直禁坡揚舲一日上淮河  
歸來疏傳

黃金重老去申生白髮多野陌早花纔點綴官  
亭新柳已婆娑梁園到日春如海兒子將軍奈  
樂何

贈莊浪王鎮撫

左陳書史右弓刀誰道邊城軍務勞  
萬馬秋風肥苜蓿一鷗春水醉蒲萄  
山山部落西戎靜夜夜旌旗北斗高  
正是太平無事日不妨詩態憶吾曹

入益門



歷代詩選 卷之四十一  
蜀關秦嶺路初分，疊嶂層崖日易曛。  
飛棧下臨千尺礪，行人上惹半山雲。  
高堂煙霧曾貪畫，險道風湍却厭聞。  
萬里敢辭筋力盡，捐軀未足報吾君。

嵩盟九日次井泉百戶韻

天涯九日一登樓，應是黃花笑白頭。  
脫帽不妨同醉倒，拂衣安得便歸休。  
山盤晴谷深藏寺，水縮寒溪淺露洲。  
上馬荒城向昏黑，休教鼓角起邊愁。

送魚課司使霍思誠赴京師

三年官守滯蠻荒，萬里羈魂度太行。  
居有馬韉留客坐，食無魚鮓寄親嘗。  
晴天梅樹常含霧，臘月山花不受霜。  
辭滿得歸人共樂，將詩送別意茫茫。

題滇陽小景送雲南通守朱紹祖考滿赴

京師

城南城北作春遊，父老逢人說郡侯。  
田野只今無外事，衣冠何地不中州。  
馬頭紅雨花將盡，海



子白雲山欲浮昨日新知今日別  
可堪東望獨憑樓

滇陽二月罌粟花盛開皆千葉紅者紫者  
白者微紅者半紅者傳粉而紅者白膚  
而絳唇者丹衣而素純者殷如染茜者  
一種而具數色絕類麗春譜之所云

鄒闈東風不作寒米囊花似夢中看  
珊瑚舊是王孫玦瑪瑙猶疑內府盤  
嘶過驂騮金匱匪飛來蛺蝶玉闌干  
瘴煙窟裏身今老春事傷心思

萬端

昆明池

昆明海水不成潮一鏡涵空山影搖  
明月碧鷄飛夜夜白雲蒼狗變朝朝  
登臨未必南荒惡瞻戀其如北極遙  
汀草汀花自春色無人同放木蘭橈

晚至安寧

連然驛路馬曾諳落日行人思不堪  
地極九州銅柱北山蟠六詔鐵橋南  
湯池水底皆陰火鹽



井煙中半夕嵐廻首蓬萊天萬里忍教塵鬢白  
毵毵

自姚安出普洲

層關飛鞚出寒雲萬木歸鴉亂夕曛山自蜻蛉  
川口合路從鸚鵡嶺西分道傍築室新成市塞  
上屯田久駐軍遠客誰無鄉土念悲笳吹動不  
堪聞

過小雲南

眼明百里眺晴川洗我悲辛一迥然山氣成雲  
無五色石光如鏡有千年荷戈戍士終懷土賣  
劍居民盡力田自古華夷歸混一今人未必重  
開邊

過趙州

青山環抱水爭流行盡雲州入趙州四野耕耘  
多樂歲諸蕃出候不防秋過橋花竹前村近入  
谷松蘿小寺幽妻子誰能免相憶他鄉雖好莫  
淹留

鄧州驛



平岡走馬神摩洞荒驛聞雞鄧睽川丹壑洩雲  
朝翳日玉泉陰火夜生煙一年殘曆愁來簡萬  
里新詩老去編山水不殊人事異中原歸計正  
茫然

鶴慶驛會吳人馮廣文閩人林稅使

馬蹄蹴徧陰厓雪直向居庸塞外行日落忽聞  
牛背笛川平始見鶴州城秋風千里萼絲滑暑  
雨三山荔子生遷客相逢話鄉土天涯何限未  
歸情

陪臨安府官僚遊龍潭

臨安山水似江南天氣况當三月三徃徃揮毫  
逢鶴埜行行騎馬過龍潭載歌白雪誰能和試  
飲清泉亦不貪記取人家畫欄曲桃花一樹倚  
春酣

登雲南城樓

漢武開邊事可稽滇池遠在夜郎西已聞郊廟  
歌朱雁復道山川蘸碧鷄王業無如今日盛才  
名孰與古人齊自慚作賦非司馬萬里登高意



歷代詩選  
明穆宗  
六  
欲迷

題三餘齋卷送錢椽還鄉

白門送客日已斜  
車馬塞路風吹沙  
金印何須大如斗  
錦城不如早還家  
雨夜空庭惟木葉  
雪晴深谷有梅花  
三餘齋中自足樂  
閉戶讀書雙鬢華

送教授致仕歸金華

六十看山眼未昏  
草堂歸去卧煙村  
朝廷已許乞骸骨  
衣食未須憂子孫  
上馬天風吹蓆帽  
落

帆江月到柴門  
羹芹灸背區區意  
他日難忘獻至尊

送終南道士還山

脫履都門骨已仙  
山中故物尚依然  
寒窗火伏燒丹竈  
暖谷煙生種玉田  
一馬看來齊萬物  
雙龍化去歷千年  
長生久視寧無訣  
安得從師老洞天

題畫

瀑雪青天落松濤  
白日飛罷琴成獨  
賞得趣在



忘機

舟中雜興

蔡河百折到沙河沙河入淮風浪多使者官船  
夜須祭奈爾長淮風浪何

又

十日舟行不見山沙河多似蔡河灣舟人忽報  
安豐近指點數峰煙雨間

題山水釣漁小畫

人間萬事一絲輕江上數峰雙眼明老我不歸

空看畫秋風又到洛陽城

題梨花錦鳩圖

萬花深處語黃鸝花底能無挾彈兒自在兩鳩  
春寂寂一枝晴雪立多時

題畫送人歸越中

十年歸夢落滄波一日飛帆渡浙河指點南山  
最青處故巢依舊白雲多

揚州四絕

遠水疎星影動搖西風落木景蕭條傷心一片



船頭月猶照揚州廿四橋

題子昂煙波歸興圖

此生只合住湖州罷得微官任白頭盡買太湖  
三萬頃煙波隨處着漁舟

過澠池問路于一叟指邑西土丘日路從

此去此名罷兵臺昔秦趙會盟處也詩

以識之

青山四顧似環滁千載荒城百戰餘問路罷兵  
臺下去邑人能說藺相如

華陰駐馬橋

絕谷層關路屈盤斜岡側嶂石噴岫今朝駐馬  
橋頭立華嶽三峰正面看

滇陽病起

天涯病後命如絲豈復形容似舊時有客相辭  
汴州去傳聞正恐到吾兒

題山水小畫

太湖三萬六千頃七十二峰湖上山草閣酒醒  
風雨過棹歌聲在水雲間



題浦人畫梧桐竹石

錦石成山花滿川子孫一旦甯平原疎篁古樹  
蒼厓雪茆屋看來已百年

韓中允集序

按楊翰撰敬傳曰韓中允名守益字仲脩石首  
人生于元季 國朝以儒士攝教宜都膺賢良  
文學聘擢廣西僉事有撫夷功補河南道御史  
因直言忤充國子膳夫供事不以人代尋 命  
復御史究問本監官吏後補重慶太守調繁臨  
江坐貢舉事貶安慶府判復取爲御史凡三歷  
臺諫多激 上怒至是命力士用鐵鎚擊卧地  
怒平命太醫院調治限三日入朝乃改春坊中



允人爭重之。上亦有重任意。會有疾。懇辭居  
家。閉戶。吏部起用。文移月至。再三計聞。日上  
深痛惜。召大學士楊溥曰。卿同鄉韓中允死矣。  
卽欲大用之。天乃奪之。甚速。千百人中無此人  
也。公忠孝大節。備載傳中。大較平生出處。多歷  
險阻。至危言數犯。無所屈撓。方之古烈丈夫。何  
讓焉。是集僅見其一斑。西石司馬刻之遼陽。遂  
翻刻之于左。隆慶己巳夏。前進士錫山俞憲識。  
韓中允集序終

石倉十一代詩選

明詩卷之四十二

樗壽集

大明 石首韓守益著  
後學曹學佺閱

過長風沙

長風沙風高沙濶天無涯。紅雲畫舫搖雙槽。宦  
遊幾見蘆花飛。蘆花飛映晴雪身。世飄零不須  
說。四海皆兄弟。無端對面分秦越。丈夫莫學冷  
煖情。襟懷磊落肝膽明。明朝去作朱幡守萬樹。  
巴山隔帝京。回首長風沙外程。



桃源圖

閩秦呂政吞六國虎視咸陽威赫赫百尺瓜坑  
書歛紅黔首欲愚愚不得長城之役驪山徒遭  
逃首鼠何地無携家竟入武陵去一區山水如  
蓬壺就中寒暑無正朔剩種桃花記開落炎風  
吹散鮑魚腥馬後之牛相繼作家人父子何優  
游男耕女織無離憂空聞太古葛天氏只隔潺  
湲一水流漁郎忽作花間夢一日千年綠霞洞  
清樽美酒醉復醒扶老携童走相送扶桑光射

明朝陽瑤草露重涵幽香起來恍惚夢始覺歸  
舟一棹春溪長時驚俗駭追蹤跡翠老紅飄煙  
冪冪仙耶凡耶總莫知萬古高山倚空碧

過九江

夷險休淪節勤勞莫問家暮船維柳樹春水汎  
桃花廬阜依霄漢江洲對渚沙多情白司馬文  
藻詠琵琶

泊江渚

艤棹蘆花渚江天夜向中月明銀色界波靜水



歷代詩選  
明韓伯修  
晶宮進止誠關分升沈迥不同豈能終默默長  
嘯問穹窿

過采石有懷李白及過彭蠡有懷陶令  
制作隆中古寥寥大雅音文章關有道天地豈  
無心白也才何逸時哉陸易沈蛾眉亭外月還  
照大江濤

其二

擾擾元熙事相將晉鼎移豫州歸宋日陶令弃  
官時嘉遯非干譽高風不易追如何弔形跡長

使後人疑

懷遠縣

治平今有日因得遠人懷一水牂牁遠千山  
翡翠開竹祠依澗壑縣郭半雲霾我正詢民瘼  
苗頑莫浪猜

發桐江驛

早發梧江驛新晴宿雨收暖風寒食後啼鳥綠  
陰稠到處停蘭棹逢人問象州隄防多鼠盜終  
夜整戈矛



謁羅池廟

嘗聞柳州柳今到柳州城謁廟雙旌去看碑百  
感生遠人嚴祀典遺像著高名庭樹參天綠神  
來瘴癘清

遷江縣

駐馬遷江郭懸旌映落霞山危開八寨縣小只  
三家望望依前戍嗚嗚起暮笳晚涼生解宇中  
夜夢京華

告歸養

傾海迎秋瘴霧披京畿清曉露華晞青宮恩重  
令終養白髮心勞夢遠歸柳葉雨晴鸚鵡集木  
綿風暖鷓鴣飛眼中無恨鄉關意含笑花前着  
錦衣

黃牛廟

丹扁玄書揭峻局千章喬木雨餘青雲崖物像  
偏驚日雪嶺春湍走建旆常祀永頒昭代典扁  
舟多賴濟川靈長懷馬耳徵奇夢我有深衷託  
薦馨



宜都一覽樓

層臺飛構壯宜都雲影天光入畫圖千里鶯花  
連隴蜀一江風浪接荆吳煙霏山色時濃淡雨  
雜灘聲自有無幾度憑欄倍惆悵白雲飛出寸  
心孤

紀夢

連旬風雨夢林泉第舍斜連竹樹邊曉起分明  
向人說幾時江上買歸船

張商英祠

依阿新法疏高銓監稅荆南倏左遷為信生生  
出因果東臯猶有施僧田

玉泉寺

青壁丹崖照錦霞名山深處佛為家高峰想與  
銀河近好上秋風八月槎

呂蒙城

英雄分據國為三吳蜀風雲入笑談多病阿蒙  
終一捷古城依舊向江南

附姚廣孝

法名道衍相州人有逃虛集



按姚少師或以爲吳郡人余觀王弇州筆記云少師棲逸禪宗中嬰世網旣叅佐命卒叛初服互逃儒釋之間安獲進退之所其詩如入初利天雖自快樂未就解脫魔障旣深終當墮落弇州此論因其力贊

文皇靖難之師而致貶也然少師寔不葷酒婚娶似亦堅守其師教矣詩則惡可廢諸

石經山

并序

石經山在燕之范陽郡峰巒秀拔若天竺

山故稱曰小西天隋大業間有法師靜琬者處是山思聖教有難不能流通于是發願募緣敦工鑿石爲板刊造一大藏經儲積于山以備其後法師首刊至唐貞觀初僅成大涅槃一部而法師乃卒其後子孫繩繩化億萬人乞錢粟刊造餘部歷遼與金然後完此一大藏貯于巖洞者七地穴者二洞以石門閉之穴以浮屠鎮之自隋唐遼金及元碑碣森列照映巖野然而累



經干戈無秋毫之犯洪武二十一年歲在  
戊辰春正月廿一日余奉 旨往觀念法  
師之願力宏大堅固是山之泉石靈異清  
秀故賦是詩鑄于華嚴堂之壁雖未足彰  
法師之幽光庶以紀茲行之歲月而托其  
不朽也詩曰

峨峨石經山蓮峰吐金碧秀氣鍾憇題勝槩擬  
西域竺墳五千卷華言百師譯琬公懼變滅鐵  
筆寫蒼石片片青瑤光字字太古色初非一代

就用藉萬人力流傳鄙簡編堅固陋板刻深由  
地穴藏高從巖洞積初疑神鬼工迺著造化迹  
延洪勝汲塚防虞猶孔壁不畏野火燎詎愁蘚  
苔蝕茲山旣無盡是法寧有極如何大業間得  
此至人出幽明獲爾利乾坤配其德大哉弘法  
心吾徒可爲則

自阜平縣過大派山二百里抵五臺游覽

成詠

阜平從西來大山與連谷層岡歷千重一磔過



百曲劒鋒露遠峰練色紆寒瀑虎跡屢驚人鳥  
道長仄足霞光閃危嶠雲氣沍崇麓亂蟬咽陰  
吹幽禽響佳木斷徑鳴孤獠平坡走羣鹿萬蘓  
雜紅紫衆葉紛青綠木皮野客衣石穴山氓屋  
遐方日尋勝空林暮投宿漫遊知自許縱覽厭  
所欲會當登五臺清涼我心目

送友人之松江得曙字

潮來沙磧平月落海門曙汀蒲轉風葉堤柳搖  
煙絮江頭春可憐天涯人獨去有歌送君行無

酒留君住雪浪沒沙鷗雲帆出江樹回首讀書  
聲青山不知處

送靈隱欽老

昔從冷泉遊今見冷泉主迢遞來石城袈裟帶  
松雨去住自無意何暇計出處官舍晚相看竹  
邊不知暑尚論古人心還舉尊宿語歛爾返故  
廬惆悵獨延佇

蠡口夜歸

日沒渡口昏水風着人熱漁燈帶螢火微光互



歷代詩選 明女六  
明滅舟人報水程路遠行欲歇故山不分明目  
盡心力絕遙想山中人待人仍待月

題怡上人松風閣圖

萬松蒼蒼蟠峻嶺久向耶溪誇絕境道人層構  
萬松間宴坐長年樂深靜靈飈歛來巖谷口髯  
君忽作蛟鼉吼喧豗直遣嶺猿驚振迅或令山  
鬼走須臾瑟瑟復蕭蕭初如笙竽再如韶裂石  
聲歎在阜瀑奔雷勢壓錢唐潮清奇自適煙霞  
侶冷落豈宜箏笛耳長夜寥寥四壁空贏得此

心如止水黃鶴山中淨名老援筆圖成過荆浩  
金華太史製雄文秋色南山兩相好

且停寺

并引

寺在內丘縣西山中晉佛圖澄之所建  
也奇峰喬林清泉脩竹境致幽絕非他  
山可企昔號太子于寺駐馬曰且停寺  
有碑在焉

老年落魄猶非昔破帽遮頭誰識得不問水郭  
與山村杖藜到處尋陳迹西丘地勢一何壯建



國當年誇石勒竺師賴有佛圖澄問道從容降  
詞色至今禪刹遺礪阿松扉畫掩縈煙蘿水流  
涓涓水樂奏山木黯黯山歌樵人牧豎不敢  
到竹逕雲斷惟僧過有碑千年字漫滅忍使老  
眼空摩挲神僧去久山無主誰聽塔上風鈴語  
古往今來一笑間不用悲歌淚如雨

天界寺

香刹依天極彤雲擁地維龍蟠新賜額龜負舊  
刊碑金鐸鳴風殿珠幢影月墀遙瞻晨祝罷處

處藹春熙

送友人之武林

我任城西寺君歸湖上山馬聲知驛路樹色認  
鄉關遠戍霜鴻慘荒汀雪鷺閒自憐堤畔柳愁  
緒不禁板

過礪東贈馬生

素抱壓塵緣林居自澹然烏啼青礪曲樵唱暮  
鐘邊香几流松雨書帷闕竹煙常時賓客至隨  
意煮山泉



訪道權上人宿城南

遠尋應不憚况爾祇同城一榻留人處孤燈照  
雨明藁添新覓句琴變舊彈聲此夕諧歡笑元  
非狗俗情

題張山人適樂園林館

開牖依林樾迢迢去市遙翠低承雨竹綠碎受  
風蕉夕嶺還侵戶春流欲斷橋主人緣愛客時  
爲出山瓢

和徐一夔遊龍山雜賦二首

脩脩一禪宮樓臺隱金碧松關掩唎音花龕鎖  
雲迹羣僧禮祖餘香燈自長夕  
出庵不逢山長江波淼淼落日下遙汀寒雲翳  
沙鳥延佇目難窮孤帆來樹杪

師林精舍遇盈師夜坐

空林長掩關閒雲去無迹偶來值禪侶清談忘  
永夕坐久磬聲沈松堂一燈寂

題觀音巖

高閣凌虛如履地長江萬里來無際世人可到



歷代詩選 明效忠  
不可留只許禪僧全結制亂帆來往逐雲飛隔  
嘶淮山擁翠微大士巖間常宴坐孤燈夜照客  
船歸

秋日登海虞致道觀

琳館無塵真福地門前萬竹自青青丹成井底  
飛雙鶴檜老壇邊布七星鶴舞出林朝每見龍  
吟歸壑夜還聽我來祇爲逃秋暑非是尋仙問  
道經

喜陳冕廣東回京

詩滿行囊典未窮來時還與去時同鷗波窈窕  
孤雲外馬路迢迢夕景中衣潤尚含榕葉雨帶  
香會着荔枝風那知此日龍河會却話聽猿過  
峽東

春日過天平輿上口占

樂遊那厭去程賒穩穩籃輿勝小車煙柳青邊  
疑野店露桃紅處是仙家澗分燕尾泉來細嶺  
轉羊腸路入斜趣既有餘吟易就此行端不負  
韶華



京都送雲海上人還山

朝辭魏闕返家林，秋半江南尚綠陰。  
鍾阜雲歸山寺近，石城潮落海門深。  
僧中不有興亡事，世上寧存去住心。  
此別似難期後會，且留茶坐撫孤琴。

寄虎丘蟾書記

聞道蟾公似贊公，一瓶一鉢寄山中。  
雲封蘿屋長疑雨，泉響松巖半是風。  
履破只緣行脚久，囊空非爲作詩窮。  
遙思短簿祠前夜，共聽寒鐘出

礪東

玉簪花

五夜琉璃步月行，玉簪遺地蝶蜂驚。  
却憐翠袖施粧巧，不着煙鬟照眼明。  
影過宛同孤鶴白，香飄寧讓澧蘭清。  
老夫久矣忘聲色，坐對高吟亦動情。

聞雁

鳴雁爲離羣，餘哀度水雲。  
那知故鄉夜，亦在客中聞。



懷師子林因上人

自作京華遊每憶林間屋何似白雲閒長年寄  
深竹

題老檜圖

盤盤鬱虬枝陰陰墜虹渚欲共水邊人時來聽  
風雨

題班婕妤題扇圖

玉容憔悴暮偏饒羅扇題詩恨莫消不是恩情  
中道絕西風昨夜到芭蕉

秋蝶

粉態凋殘抱恨長此心應是怯淒涼如何不管  
身憔悴猶戀黃花雨後香

題聰上人山居圖

結樓曾向萬峰間放鶴歸來錫已閒夕景無多  
樵唱斷疎鐘寒溜繞空山

附郭登詩

字元登武定侯英諸孫也後積功封定襄伯

謁洞庭君廟

停舟一拜洞庭君古廟荒涼對夕曛鳥跡下庭



書作字蝸涎侵壁篆成紋江通巴峽風濤壯山  
過寧陵楚蜀分簫鼓不來鴉陣散滿階黃葉自  
紛紛

澧州道中過雨

苦陰三月黯晴暉道遠心忙思欲飛山鳥莫啼  
泥滑滑瘴煙纔起雨霏霏夜長古驛聞雞早日  
落荒林見客稀困倚肩輿厭沾濕幸無塵土上  
征衣

岳侍講自謫所取回京

早登黃閣贊經綸欲報君恩敢愛身青海四年  
羈旅客白頭雙淚倚門親鳴璫又喜趨仙仗補  
袞還思用舊臣謾道歸來心便了天涯多少未  
歸人

哀征人

天連離水鳴嗚咽戰馬無聲寶刀折冤鬼慘酸  
啼夜月青燐熒熒明又滅照見征夫戰時血

客中春晚

遠塞書難寄空庭花自開舊巢雙燕子今歲又



廣仁書院

明嘉元序

歸來

哀五人

許士脩集引

按方正學先生文有許士脩集序又嘗爲撰墓志其略曰天台方孝孺有篤志尚德之友曰許君繼字士脩平素精思力學以求道德性命之蘊汲汲若或失之有得于心沛然自樂不爲貧賤患難所搖奪喜爲詩其高妙處有魏晉間風格自號觀樂生蓋非近世詩人所及也又祭文有稱士脩寧海人嘗爲儒學訓導者隆慶戊辰歲錫山俞憲刻爲明詩百家之首余選得若干



唐作詩選 明詩三作月

于左石倉居士曹學佺識

石倉居士曹學佺

石倉居士曹學佺

石倉居士曹學佺

石倉居士曹學佺

石倉居士曹學佺

石倉居士曹學佺

石倉居士曹學佺

石倉居士曹學佺

石倉十二代詩選

明詩卷之四十三

觀樂篇

大明

寧海許繼著

後學曹學佺閱

禱雨蓋蒼山龍湫時以邑宰命往

有秋望成稔中夏傷旱乾焚燠勢日殷烈若火

燎原良宰念農力憫惻心靡安天澤苟弗霈歲

功復何觀推誠契神慮幽感通巫言風雲倏冥

晦會使天瓢翻奉言謁龍府萬疊凌雲關所將

慚匪德曷敢辭險艱仰彼庚桑子惠茲畏壘山



歷代詩選 明詩士作  
玄冥倘能格大穰行當還

夢友人

山河阻且長倏忽夢京師非關仕途念良由親  
友思嗟峨黃金殿晃朗白玉墀武衛儼森列文  
班盛逶迤鳳吹逐天風飄飄彩雲飛故人喜相  
遇瞻望同此時歡笑若平昔誰言有睽離覺來  
山吹夜念之情轉悲庭空霜月冷脩竹吹涼颼  
感此寒暑變嗟彼音問稀歲晚守窮巷中心君  
詎知

四明山道中

山行入微逕險絕不自安始盤幽谷底復出層  
巒巔左倚千仞壁右瞰萬丈淵石棧翳雲木洞  
壑號風泉飛流從空下飄灑如雲煙下視不可  
極目眩心茫然仰茲名山秀靈境高中天虛明  
日月戶上與列宿連便當憺八荒恍惚候飛仙  
躋攀力雖倦曠望意乃宣夜寒山月白聊宿  
于公禪

述懷寄脩德



昔遊登四明回望天台峰蒼茫見遠色積翠浮  
遙空維時凝雪霽石窗曉玲瓏高寒心骨清炫  
燿目力窮八表降雲氣萬里來天風想像瓊臺  
觀杳在丹霞中歸來願遊覽及此春花紅真源  
隔迷途曠絕不可通煙蘿冷秋月夜雨鳴梧桐  
夢寐發幽感徒嗟塵累蒙王子吹笙侶高情諒  
誰同清言契夙心奮策得所從振衣石梁上思  
躡飛仙蹤飄颻縱遐觀不必升華嵩佳遊復我  
愆有懷鬱忡忡猶憐雙飛鶴來候巖前松

客居

客居半畝園葱蒨連虛迴華池陰危構光彩垂  
天影山花開又落夏木變流景琴書含餘潤綠  
陰晝方永飄颻清風來煥爛朱陽炳遙峰際天  
未曠日時一騁玩物等榮辱忘已齊喧靜閒將  
詠言適遠使塵累屏一爲人事感憂來豈殊境  
何如理荒畦相呼下煙嶺

述懷贈知己

驅車卽長道棹舟越廣川悠悠欲何適自謂將



登天飄颻廣莫風浩蕩滄溟煙下上九萬里瞬息心茫然遠遊良未遂於焉暫周旋空山積春雨萊草生石田矯首望天末倦翮思孤鶩

歲寒三友圖

孤標鬱深翠勁節挺寒綠復此雪後花娟娟瑩如玉風霜慘陽林冰霰沍陰谷枯悴紛相藉於茲見高躅貞心諒已同盟好在幽獨轉念繁華姿中道何反覆

夏日竹間獨坐

徘徊叢竹間竹深氣彌清微風引天籟飄灑何泠泠天高白日午景徹朱夏明密蔭爰可託靜念娛幽貞遙空望層巘遠黛積深清時見孤雲來復與飛鳥并顧境已遠世長嘯忽忘形惜無會心者共言千古情

秋夜

寒風吹疎林霜葉墜鳴雨懷思倦遙夜清夢了無與攬衣起回惶人靜月在戶孤鴻亦念羣哀哀叫雲渚來者方云至往者不可沮孰司橐籥



機一氣奔寒暑天運無始終人世有今古

中夜聞風雨滿林明旦卽爲重九情之所

至輒見乎辭

夢覺清夜分林塘響風雨虛懷怯病枕展轉心  
自語重陽適茲日與感眷時序柔道方彙征嘉  
名固宜與嘹嘹冥鴻翔撼撼涼葉委撫跡徒有  
悲抽思謾無緒登高候明發新寒薄衡宇黃花  
滿山籬采采懷儔侶

立秋前作

雨止暑夕涼長河有秋意振衣風入谷頽影日  
滿地于喁天籟虛凝靜池光媚清景晤深懷幽  
感已隨至平生山澤謀終歲不一遂徒成守兔  
株安用屠龍技乾坤一身眇日月百年駛長憐  
故山雲夜夜勞夢寐

雨望

蕭撼木葉聲慘淡山雲愁郊扉度清夏一雨驚  
涼秋茆茨望不見蒼莽非舊丘羈情信怏怏世  
事良悠悠行人夕已稀耘者方未休煙深語儔



履什詩選 明言士修 五  
侶草上驅羊牛，畚鍤豈不勞。志願無外求，所以  
沮溺徒不爲。堯舜憂歲功，歎已矣。慨然懷綠疇。

自雙溪將還家月夜有懷作

月圓當今夕，客還候明日。旦天空影自流，道遠情  
猶間徘徊。清輝間喬木，夏陰散涼亭。螢暫歇陰  
沼，蛙方亂庄。牀寢不寐，病骨勞展轉。青燈照愁  
心，幽花爲誰燦。雞鳴起促駕，路出煙林畔。半生  
羈旅蹤，江山浩興歎。

夜宿淨土寺

月上山牖白，風來石牀冷。山深氣如秋，清景心  
獨領。平生塵外意，幸遇人事屏。誰令墜迷途，趨  
喧乃違靜。猿鳴幽谷口，鶴唳古松頂。勝境難復  
留，晨征度雲嶺。

度桐巖嶺

鷓啼山月落，旅枕鄉夢返。迂途謝平臯，首路指  
崇巘。石門天梯峻，逕逐蒼崖轉。谷樹碧雲深，澗  
花紅露泫。徘徊望故隱，我行亦未遠。風景豈不  
佳，羈懷自難展。



九日

高風驅俗塵霜日麗寒素以茲幽曠懷可使佳  
辰度黃花已在手樽酒故人遇廣野接平岡復  
得閒余步天空目自遠景豁心已悟興盡卽言  
還寧悲九秋暮

山行憇林下人家

暫登山上岡復憇林下扉入林坐苔石黃葉飄  
人衣窮秋野色改遙陰際寒暉悠悠嶺煙孤颺  
颺谷風悲情來欲何語興盡自言歸帶索老忽

逢因思榮啓期

對雨

沈沈時雨積冥漠晦平莽卧起人事閒臨軒坐  
虛敞繁林滴餘潤曲池散清響去家徒有思出  
門亦何往山深亂雲合村暝孤煙上飛鳥望不  
還空愁結遙想

題紈扇

霜筠託冰練好合兩無忤白月當太虛團光溢  
寒素中心抱明潔耻受炎塵汗願盼風自生時



唐詩選 明詩七修 七  
哉豈徒遇爲歡殊未極秋涼入庭樹

山齋雜詠

幽谷吐靈氣清明凝上浮遙升羣峰頂薄空靄  
悠悠映日光且潔因風卷欲收無心自搖曳寓  
跡寧滯留怡我靜者妙聊用忘餘憂 右白雲

碧霄靜風露纖翳久已滅清輝滿瑤臺素影流  
銀闕蒼茫九萬里皓若冰玉潔天步夜迢迢但  
見疎星列高懷自無欲對此方洞徹 右霽月  
幽興何所極遠有天際山高空靜無洋秋入層

峰間微風掃煙黛薄雲籠曉鬟黛鬟不足惜何  
物乃相關誰言是中意使我心獨閒 右遠山

竹林王氏索題

神僧昔渡海覆舟耀靈蹤不隨滄溟去化作青  
芙蓉宿雲掩曖深夜雨蒼翠重搏桑炫初旭輝  
輝在高峰 右覆船曉日

亭亭霜雪榦隱隱煙霞島孤絕幽勢多澄灣下  
相抱暝光澹將夕霽色浮初曉時有遼東禽飛  
來海天窟 右松嶼晴嵐



歷代詩選 卷四十三  
溪山明且秀美景如越中投竿屬清夜扁舟若  
乘空波流澄素光絲綸颺微風絕勝寒江上  
雲欺孤篷  
右剡溪釣月

石磴緣蒼蒼負薪下層峭歌聲相應發山木閃  
殘照近驚幽谷響遠答清猿嘯欵乃江上音煙  
波豈同調  
右下嶺樵歌

夜宿期王脩德不至

城西挂纖月夜色回春逕出門候所思花露沾  
衣淨悠悠醉餘意寂靜中聽燈暗清漏初煩

愁亂孤興

春郊送別圖

長郊夜來雨物意有春色樹靄散晴暉川光汎  
空碧深將一杯酒遠送千里客佳景念睽離恨  
隨芳草積

楊隱者宅觀菊

謀拙生事微安取沽酒錢佳辰耻虛爵黃花負  
秋妍歛襟倚涼風舉首望遠山真意固有在薄  
俗漫相憐



其二

淵明雖一仕苦節無與對環堵何蕭條聊作歸  
田計高情自天游縱浪塵物外懷古意徒深清  
風自千載

其三

百卉競春時誰言有秋菊凄然風霜候榮耀惟  
爾獨思將慰孤芳斗酒苦不足盈盈抱冲襟寒  
香滿書屋

夏言雜言

炎暑寡出入幽室常懷人清風天外來澹然成  
王賓忘言自諧意獨卧聊任真誰謂羲皇世乃  
屬柴桑民

又

濯濯思去垢不必江海流君看一勺泉淨涵千  
頃秋炎風塵滿道胡乃從遠遊歸將散余髮笑  
卧雲林幽

曉起

曙扉豁清望華星沒雲間曠曠東方明漸見林



歷代詩選 卷四十三 十一  
外山人喧已擾擾鳥聲亦關關白日上青天龍  
御不可攀徒言暮能旦流景爲誰還

水碓

臨湍設機械雲母終日春不勞致精鑿無乃貪  
天功流駛響逾急灑灑水面風村庄縱可隱誰  
復棲梁鴻

病中有懷

微風散時雨朱明氣猶淑林塘含餘清密陰凝  
衆綠幽人望不見白雲護深谷何以舒病懷看

書不成讀

自遣

卧疴人事違流景自如昔年年溪南村霜葉千  
樹赤旣爲昇平民所好胡不得耕鑿給妻孥相  
看至頭白

晝寢

清夜常少眠病來晝亦寢詩書委塵篋事業付  
衾枕窗明耿秋暉風氣覺先凜徒憐佳節來黃  
花勸人飲



雪

山花寒不開庭雪曉還積江南十日春東風未  
相識蕭條新柳姿清淺故池色日晏啓荆扉迢  
迢遲來客

賦蛛網落葉

秋氣感木葉故林飄墜時不成棲蔓草還復綴  
蛛絲屢舞涼風得高懸落照宜多情似留戀可  
奈已辭枝

送別

寒日照荒野驚風號遠林蕭條暮秋節眷戀故  
人心雲起望馬首天清聞雁音更堪明月夜夢  
斷北城砧

田中作

野水靜涵碧暗涼生夕波耘夫出畦畛浴鳥上  
菱荷汎汎青苗濶依依綠樹多遙知沮溺意無  
奈問津何

客中移居

一室遷居數溪山客思中琴書經曉露門巷入



唐詩選  
明詩士作  
十一  
秋風解榻非徐穉開樽有孔融相携看劍氣貫  
斗夜如虹

十七夜月

玉鑑重飛夜寒光落素屏山河空照影星漢久  
沈輝城鼓催傳漏庭砧罷搗衣誰能清嘯裏長  
望不懷歸

自遣

獨坐還長眺高歌祇自聽雨中苗盡綠煙外樹  
重青病久憐形瘦愁多畏酒醒芙蓉將爛熳采

采憶江汀

述夢

宇宙人間世煙霞物外情神遊謝氛垢仙夢繞  
空明天影滄溟濶雲光太華清時逢王子晉鶴  
上坐吹笙

除夜

風雪送殘臘春生除夜深往來寧少間消長自  
相尋無術遣貧病有懷觀古今燈前兒女樂應  
未識予心



看梨花

玉顏吐香清夢回靜思相看渾欲迷夕寒初消  
夜月淡暖風不起春雲低園亭寂寞謾無語桃  
李紛紜徒滿蹊芳華轉眼易銷歇洗粧誰爲酒  
重携

七月十四夜作

山堂起坐攬秋衣窗竹條條月在扉音問每時  
煩故舊夢魂終夜繞庭闌露華憶徧仙人掌  
韻驚催織女機感物悵然懷往事到今三十一

年非

題翠竹

鳴鳳去不返湘江春自流鷓鴣煙雨暮翠袖不  
勝愁

蘭菊圖

九畹曾無舊日春都隨蕭艾混泥塵秋風冷淡  
山籬下惟有黃花是故人

寄廣信二釋子

清泉山下白雲飛幾度行吟款石扉每憶夜涼



供話語月明松露滴秋衣

懷歸

東風漠漠柳絲斜啼鳥聲聲隔綵霞人散客窗  
春色靜獨將離思看飛花

病中雜言

忙裏身心病裏閒高眠長日對青山天邊飛雁  
將秋色遠在微茫落照間

附林弼詩

字元凱福建龍溪人有登州集

題周伯虎採蘭詩卷

光風汎崇蘭瑤芬散中林草木被餘薰山水發  
清音蕭艾一何繁霜露日已深伊誰愛芳質於  
焉閒冲襟獨有君子人皦皦同貞心采之未盈  
羽價重雙南金逃將紉華佩遠鄙瓊與琛重將  
鼓遺操邈繼南風琴淳風未云喪振古猶斯今

旅感

驅車秣吾馬萬里涉遠道遠道多險艱行子何  
草草晨征夕未息川陸漫浩浩行役豺虎區此  
身不自保明當脫塵羈優游以終老



題王佐山人畫

山光雜空翠雲影澹晴暉古渡舟誰繫虛齋人  
未歸石苔秋雨積野樹晚風微便欲拋塵事垂  
綸柳外磯

題王廷珪畫

秋色晴山迥煙光野水連空林輞川外古樹草  
堂前天地留詩卷江湖老釣船美人隔雲漢對  
此思悠然

題秦皇廟

往事悠悠逐海波荒祠寂寂寄巖阿三神山下  
仙舟遠萬里城邊戰骨多東魯尚存周禮樂西  
秦空壯漢山河早知一世能移祚崖石書功不  
用磨

送林鍊師歸武夷

三山樓觀倚雲開九曲溪山入夢來半夜丹光  
照林壑常時劒氣動風雷幔亭峰頂霞杯進石  
鼓灘前月棹迴吹徹玉簫空想憶故人今在鳳  
凰臺



送郭誠校官

武安邑小武城如三載人賢郭校書有酒齋郎  
 能放鶴得錢溪女或留魚沙場落日鴉飛急海  
 國秋風雁過疎南土祗今多獎用君行努力莫  
 躊躇

西村隱居為饒城羅時用題

西村竹樹淨朝暉萬事閒來總息機一夜小溪  
 春雨過半篙新水白鷗飛草堂築就賢誰寄彭  
 澤歸來願未違最憶衡門凝望處平疇十里豆

花肥

臨江

柳外樓臺入翠微水邊簫鼓蕩晴暉樟江雨漲  
 魚新上皂閣雲生鶴共飛諸老尚留詩卷在此  
 身未逐釣船歸蓬窗吟罷還成醉蜜酒初香玉  
 笋肥

送宋衡還金華

名璉景濂  
學士之子

江花飛雪送殘年客思隨雲度遠天朱雀航頭  
 膠凍草金華洞腹貯蒼煙明經已踵章賢後對



策應推賈誼先無限故山松竹好平安爲報玉  
堂仙

次韻契都盟郡中翫月

見月令人寫百憂况逢良夜值中秋星河有路  
通蟾闕玉海無波湧蜃樓老桂一枝容手折仙  
槎萬里漫神遊清光莫照干戈地憂國詩人易  
白頭

覺初上人還永嘉江心寺

江心古寺金焦如滄波湧出青芙蓉千歲鶴歸

作人語九淵龍起聽梵書山屐重尋謝康樂丹  
砂試問陶隱居自是初心得真覺閒身去去隨  
樵漁

題方壺子墨竹

方壺仙子御風還雲外珊珊響珮環吹徹鳳笙  
山月冷參差玉管落人間

韶石

一曲南薰奏石隈餘音猶繞九成臺青山空灑  
懷人淚雲暗蒼梧鳳不來



聽雨軒圖爲王彥舉題

山窗酒醒夢魂清  
竹外松邊點點鳴  
蒲礪寺前  
千尺瀑都隨黃葉作秋聲

畫紅梅爲吳允思題

冰姿雪色自無塵  
香艷桃嬌偶借春  
一段繁華  
幽寂意題詩試問隴頭人

題安南陳內相雜畫二首

白石青蒲春水生  
夕陽毛羽照沙明  
戲拈畫筆  
知何處柳外池塘艇子輕

隴頭春樹拂雲紅  
學語聲嬌弄晚風  
上國祇今  
辭遠貢漫愁雙鬢閉雕籠

題黎省之唐馬

嗅地低回欲滾塵  
玄雲散彩五花新  
蹴水不識  
交河道芻豆相從愧圉人

右林登州初名唐臣後更名弼自號梅雪道人  
人生于閩之龍溪元至正中進士仕爲郡幕  
國初聘起預脩元史擢考功司主事使安南  
却其餽贖朝廷嘉之尋命知豐城有善政



轉判饒州旣而謫戍未幾復留禮部知登州  
卒此集乃大司徒馬鍾陽公所遺鍾陽意重  
閩之文獻故采而刻之隆慶己巳錫山俞憲  
跋

夏忠靖公集序

少保長沙夏公詩文遺稿常州太守桂林莫子  
朴以其餘用錢梓公之子尚寶司丞瑄請予序  
公之德存乎人望隆于時有不假詩文取重者  
然其情況所寓精神心術之所發亦不可泯也  
公天性本明敏溫厚加以詩書涵濡之而戒其  
器在邑里時卽有善譽洪武中由鄉薦入太學  
試地官屬各司疑難往質問之而以理折衷不  
怵于利害毀譽遂有聲朝宁未幾自幕僚超拜



歷代詩選 明夏忠靖公序  
亞卿尋陞大司徒經賦之政寬而有制國用以  
克民不告乏立朝四十餘年每議大政務從寬  
簡處同官未嘗失色待僚屬取其所長略其所  
不足人多德之

宣宗皇帝爲 皇太孫時公受命輔導 三朝  
實錄皆預監修公于理有定見故其所行夷險  
無間人以爲難列秩六卿位次三公人不以爲  
過時論朝之大臣有德量者以公爲冠卒之日  
朝野惜之追贈太師諡忠靖此其始終大槩也

詩文平實雅淡不事華靡觀者亦可想見其爲  
人矣公在永樂中攝冬官政子朴嘗爲冬官郎  
中茲又能使公詩文得傳聞於人殆深相知哉  
予亦湖湘人嘗得與公同事用是書之簡首吳  
郡楊溥序

夏忠靖公序

畢



明詩選

忠靖公集

石倉十二代詩選

明詩卷之四十四

忠靖集

大明

湘陰夏原吉著  
後學曹學佺閱

題彭希益惜陰堂

星沙控荆湖屬邑十有二羅湘甲西北山水獨  
佳麗彭君生其間鍾此山水異襟宇旣軒豁丰  
儀逾清粹垂髫被庭訓詩禮日講肄諄諄期有  
戒勉勉冀無墜豈謂霜露嚴苦令椿木瘁彷徨  
痛遺業感慨念先志乾乾仰居諸耿耿忘食寐



構堂名惜陰于以自箴勵朝斯萬卷開夕爾一  
 篝繼探搜聖賢心玩索古今事清修日益勤聞  
 奧愈深詣願言慎終始毋使虧一簣行當馭長  
 風扶搖九天際功成銘鼎彝芳譽永無替

諭饑鳥

饑鳥來屋頭軒然振雙翼啞啞向我啼其意欲  
 得食我行顧我厨餘糗頗云積粲粲白如銀瑩  
 瑩燥如炙足可療烏饑盡與非所惜緣以目前  
 人困乏動千億賑恤未有方夙夜慨中赤況此  
 所餘糗顆顆出民力我食尚懷愧飼鳥寧不惕  
 饑鳥勿此啼山林有榛栗

泉州次吳中書韻

區區南閩來莫莢屢更易鞍馬厭道途風霜改  
 絺綌豈無林淵思民瘼未痊革引睇桐城樓寒  
 雲萬山白

武康縣

湖州武康縣僻在羣山中  
 人稀官事少土沃禾稼  
 豐蠶時戶戶箔雞曉家  
 家春鮮菱采秋夏嫩



筓庖春冬廛幽商寡集溪曲舟艱通兒童拙市  
語父老高村容淳淳良可尚擾擾希能同愧無  
邵杜吏重造朱陳風作詩慰我民敦俗宜自隆  
○ 洪熙乙巳秋仲賜觀內苑珍禽奇獸應制

賦詩

六龍初御乾坤肅玉燭和調民阜育爰開禁籞  
集廷臣少肆餘閒闕奇蓄時維秋仲天氣清纖  
塵不起香風輕虞官圉宰雜選進珍禽瑞獸紛  
紘呈俊猊側踞真雄猛鉤爪金毛睛炯炯彩毬

戲罷拂霜髯百獸潛窺敢馳騁須臾玄鹿來軒  
墀豐肌駢黠猶烏犀若非食野霑煤雨應是尋  
泉墮墨池雙羊繼出仍珍美腹若垂囊背如砥  
煌煌玉轡輕籠頭軋軋朱輪低載尾花陰小大  
霜姿狷金環約項聲隆隆然盤旋倏忽作人立寧  
殊雪洞飛來仙又看千歲之神鹿毛質鮮龐實  
靈物矜羊緩步蒼苔邊修角撐空亦奇獨柙中  
玉鼠潔且馴朱櫻貫目脂塗唇想應竊餌瓊芝  
飽故着銀袍覲紫宸駝雞聳立誰其侶駢趾青



瞳高丈許或時振翼將如何志在冲霄學鵬舉  
雕籠鸚鵡色更奇細觀熟玩心忘疲呈祥雖未  
銜圖瑞調舌應能唱壽詞三三兩兩賓郎雀短  
喙珊瑚新琢削飛翔寶檻恣喧呼似欲臨風脫  
金鑰多情尤有白畫眉雙眉畫得天然殊從今  
京兆多才思對此應慚畫不如

題願菴胡祭酒先生玉笥白雲圖卷

願菴先生古君子德行文章當世美晨攜玉笥  
白雲圖訪我金臺官署裏自言先世多遺德卜

居遠在金川側金川何處最稱奇玉笥峯巖插  
天極雲開幾朵芙蓉青雨餘百道銀潢傾陰岩  
月冷玉龍蟄陽坡春暖金牛耕蕭家峽口尤奇  
麗狀若飛鵝舞空際泥江堅抱伏虎形瓦橋重  
展遊龍勢龍騰虎伏勢若何先隴正在山之阿  
林鳥泣雨下喬木野猿呌月懸春蘿時因宦轍  
方驅涉未暇栖栖理家牒聊憑縑素寄遐思用  
詔兒孫知祖業願君移孝忠吾皇致時熙皞超  
虞唐白頭稽首謝丹闕清風一棹歸湖鄉晝看



不厭夜復臥玉筥千古長蒼蒼

題祝少卿西山暮景圖

少卿卓犖人中英襟懷萬頃涵秋清早登啓事  
典郡牧十年坐鎮滁陽城滁陽四面山如玉矗  
矗西山更奇獨根盤九地駭潛龍勢入層霄遏  
飛鷺少卿閱罷天閑駒簿書不撓公堂虛捲簾  
靜對西山坐夕陽正在山之隅紅光黯淡照岩  
谷翠色冥濛覆林麓林邊散亂樵人薪岩畔縱  
橫歸騎牧須臾牧去樵歌杳翠歛紅銷山靜悄

烏旋松頂待歸雲雲護松窩邀宿鳥吁嗟此景  
世豈多匡廬泰華徒嵯峨少卿游宦日瞻眺他  
時遷去情如何一幅畫圖懸素壁相對醉翁時  
醉歌

乙酉八月二日吳江館遇京友惠斗酒爲

小童所覆

故人遠自天上來惠我一斗蒲萄醅愛之不敢  
容易開呼童捧出當庭堦珊瑚擊碎紅泥堆珍  
珠迸入黃金杯一行轉我腹中雷再行掃我眉



間埃三行四行愁壘摧五行六行春風回桃花  
朶朶紅生腮臙脂點點香凝頰平原督郵走欲  
頽青州從事驚相猜客中有此真慰懷更無夢  
到糟丘臺奈何童子劣且駮推壺仆地如翻淮  
清光濕透爐邊灰餘香散入堦前苔爲之恥今  
徒有罌醉無成今誰與推是知飲啄皆天裁毫  
分有數非人媒毫分有數非人媒彼童子兮何  
尤哉

戲贈淨慈寺僧恬靜卷

我從前日辭蓬萊飄飄飛上姑蘇臺臺前桂魄  
照秋水一碧萬頃無纖埃喜來遂發看山興擬  
度錢塘覽奇勝片帆若被天風留一上雲居聽  
鐘磬雲居瀟洒雲飛飛中峰去後渺莫追就中  
忽遇老禪客白云近日來淨慈看峰修修散晴  
雪性海澄澄湛秋月煮茶揮塵共我談四座霏  
霏飛玉屑我觀不是尋常僧叢林當代應馳名  
何當攜取廬嶽去相邀修靜重尋盟坐看五老  
香爐氣瀑布山中互晦明



烏夜啼

慈烏啞啞清夜啼飛來飛去無枝棲  
天空月冷聲慘切更深夜永情悲悽  
東家織婦年二五良人萬里操干櫓  
冬衣未寄春復臨機杼勞勞不勝苦  
耳邊忽聽慈烏聲炎炎萬感焚中扁  
掀襟拭淚罷機杼披簾促步趨前庭  
悲悲咽咽對烏說莫向清宵學啼血  
妾夫別去踰三年魚雁迢迢至今絕  
願烏將妾相思情西飛啼向夫郎聽  
夫能聽兮妾情達妾情達兮夫心寧  
夫寧豈欲

終忘返恩義須期兩無赧夫能努力樹功名  
白髮歸來未爲晚

和祭酒胡公雨中獨坐

連朝風雨泥濘深幽人不見心沉沉  
想應齋居有餘暇坐披卷籍窮古今  
過眼瀾翻五車熟却喜牀頭新酒綠  
開樽勸飲是何人好似顏家小銀鹿  
載歌載酌三杯餘新詩百首皆親書  
封題寄我意何厚恍如十二珊瑚株  
欣然便欲馳車馬走送詩壇共誇詫  
出門未定復入門無奈長



空雨飛灑

經姑蘇

客路尚悠悠蘇臺蹙繫舟酒旗迷柳畔商舶隘  
江流三讓祠何古千人石更幽可憐城下水莫  
洗館娃愁

寄友

憶昔會皇州壺觴日勸酬一時同作客萬里各  
經秋湘浦西風棹燕山夜月樓無窮蕭索意何  
處寫離憂

憶別

憶別金陵日春風二月時求朋鶯語急送客燕  
飛遲北邸俄淹歲南歸未卜期遥遥天上友莫  
動暮雲思

東吳述懷

為客東吳郡秋過冬復深梅妝崑阜玉橘剪洞  
庭金顛倒還家夢徘徊戀關心何時了王事蘭  
棹起歸音

寓雲居菴次韻答聯上人



誰闢雲居境依稀古化城獅棋霜過熟鳳竹雨  
搖輕石悟禪中語鐘收飯後聲我來臨絕頂一  
覽小蓬瀛

泊金沙洲

晚泊金沙洲言登洲上樓雲峰隨處好煙浪拍  
天浮掃壁看遺墨憑欄數過舟家山應不遠此  
地且優游

登范公亭

偶上范公亭亭幽感慨生竹添今歲筍塵掩昔

年癸老蠹隨人化孤禽向客鳴欄傾不堪倚惆  
悵下塔行

小江漁釣

小江江水綠如酒兩岬春風舞垂柳老漁落魄  
一事無三尺綸竿長在手有時釣得縮項鱖隨  
緣沽酒供餘年不圖星辰動天闕醉來卽藉羊  
裘眠

汨羅懷古

五月五日天氣晴古羅士庶思屈平聲金伐鼓



集畫艦浩歌競渡招沉靈沉靈不歸知何往楚  
國蕭蕭空草莽聊將一滴菖蒲漿灑向清波寄  
遐想

福祿曉鐘

四隣膠膠雞亂鳴叢林衲子聲寒鯨載遲載促  
一百八松雲墮碧星河傾吁嗟人生能幾永一  
世無殊刁泡影悵然聽此不能眠起坐幽窗發  
深省

和胡學士冬至後六日扈從獵龍山同蹇

尚書諸公遊牛首山佛窟寺詩韻

山寺迢迢一徑微山中景趣世應稀花飛澗水  
驚魚躍風引松雲伴鶴歸朝士來遊無俗駕老  
僧留語總禪機回鞭還從鸞輿後蒲路天香暗  
襲衣

送禮部員外郎楊旭歸蜀省墓

京國長年振轡遊承恩今去省松楸上林鶯送  
春風酒巫峽猿迎夜月舟題柱長卿堪竝駕登  
樓王粲更何憂孝思已展霜翎健蚤挾天飈覲



冕旒

九日

去歲今朝侍北堂今年此日寓閩鄉紫萸黃菊  
故園好綠水青山客路長對酒不堪成獨酌吟  
詩聊用寫清狂明晨喔喔雞聲發何處登車復  
省方

題荷峰雲隱圖

萬仞荷峰插漢青當年嘉遁若為情田園無恨  
幽閒趣車馬不聞來往聲半榻松風雲臥冷一

溪蘿月釣絲輕只今聖主求賢急林下安能老  
釣耕

挽故文淵閣大學士胡公光大

黑頭濡翰侍宸旒燁燁才華眷顧優豈謂藏舟  
移夜壑遽令行轍避西州人間名著黃金榜天  
上文懸白玉樓此日臨風歌楚些不堪嗚咽淚  
橫流

登武夷山

觀風偶入武夷行隨處登臨隨處情燒藥爐空



無鶴守讀書壇古有猿鳴峰雲隱隱三尖碧溪  
水盤盤九曲清安得窮躋最高頂相尋仙子問  
長生

過采石

采石江頭夜艤舟攬衣乘興步江樓一天灑氣  
凝風露萬頃寒波浸斗牛燒燭題詩陳往事倒  
囊沽酒滌新愁錦袍學士知何在明月娟娟照  
古丘

福寧縣次吳中書韻

金飈刮地雨初晴使者飛颿至海城寶劔光搖  
秋水碧繡衣香壓瘴煙清旣從閭井詢民瘼復  
向屯營問戍情地僻人淳無訟事但聞村老話  
昇平

和冬官尚書黃公見寄詩韻

昔年仗節撫南夷瘴雨炎風肯憚危每夜篝燈  
籌國事隨時焚草艮人知蠻方已喜標銅柱漢  
殿重看賜玉枝恨乏堅珉付夷老爲鐫德政去  
思詩



歷代詩選 明夏忠靖 十一  
永樂辛卯將用兵于沙漠二月大閱于北  
京城東時翰林金侍講有詩因次其韻  
羽書飛召四方兵百萬貔貅集帝城赫赫氣橫  
魚麗陣桓桓威稱虎賁名鸞輿曉閱霜凝蓋鐵  
騎雲屯雨洗兵此去羗羗應盡掃薇垣長見泰  
堦平

和學士胡公扈從獵陽山詩韻

陽山遠在上林東原隰勺勺狩所同萬乘時田  
親閱騎六師晨從競腰弓霜飛玉盾連營白日

照龍旂夾仗紅較藝場中誰最勝駕前英衛萬  
夫雄

送教諭李素改除浙江就祿養親

羅湘振鐸十餘年今又攜書上越川梅玉一枝  
天上贈蒲帆半幅月中懸好披彩服同萊子莫  
訝寒氊老鄭虔他日彤廷重考績春風臺閣擬  
超遷

贈李真翁

八閩高士老聃孫結屋蕭蕭近水濱心遠更無



金馬夢身閒常對白鷗羣黃庭夜讀窗留月綠  
綺朝絃榻駐雲何日移家傍翁舍細聆清論滌  
餘氛

次俞都御史韻與虎石道人

紛紛車馬走黃埃此地誰能日日來獨有豸冠  
因酒病時尋虎石扣門開山中風月初相識江  
上煙波又促回今我登臨亦何興謾看猿鶴舞  
徘徊

登吳興道場山

肩輿一上道場山遊覽都忘陟頓艱泉迸石渠  
存虎跡峰名金蓋擁螺鬟木魚催飯鳴松杪野  
鶴窺巢過竹間安得從今脫塵鞅此中相伴老  
僧閒

過吳江泗州寺訪僧留宿

行盡吳江逸思濃却從蕭寺訪瑄公未論石上  
三生約且喜山中一宿同詩句新題蕉葉雨茶  
香熟送藕花風明當百八蒲牢吼重整雲帆向  
五茸



和僧白鷗詩

雙頰彤彤點絳紗  
滿身霜拂更光華  
栖來晚樹煙籠葉  
叶落春山雨濕化  
魯逐繡衣朝帝闕  
偶隨珠句到禪家  
主人料得相看好  
不用昂頭羨野霞

瀟湘夜雨

二女南來正斷魂  
那堪風雨又黃昏  
瀟瀟無限相思淚  
都作江邊竹上痕  
皇孫殿下回南京  
途中觀射雉

野雉驚飛入半空  
皇孫馳馬試瑠弓  
一聲金鏑雲間響  
五色離披墮曉風

吳中謾興

片帆二月過吳門  
眼底相看物物新  
惟有溪橋桃與李  
着花渾似故園春

燕山寄弟原故

金陵別我去瀟湘  
三見春風舞綠楊  
此日燕山重相憶  
碧桃仍吐小園芳

江上卽事



歷代詩選  
江上何人學遠遊揚帆鼓浪去無休那知久歷  
風濤者綠柳陰中穩繫舟

贈魯冕告老疾還湘

君家三徑未全荒何遽匆匆去裝豈是老來  
腰懶折歸尋元亮學耕桑

梅竹雙禽

林木無聲雪色殘一枝晴玉倚琅玕雙禽何處  
棲來晚重拂金衣度歲寒

石倉十二代詩選

明詩卷之四十四 終



書

